

Bagai pesta di Tasik Kuala Krai

Sinar Harian 12/7/2018 m/s 03

Ratusan penduduk cuba nasib tangkap ikan selepas air makin surut

AZURA MOHAMAD

KUALA KRAI

Siaapa sangka kerja-kerja mengeringkan air Tasik Kuala Krai untuk menghidupkan kembali lokasi riadah itu bertukar menjadi pesta.

Air dari tasik yang menjadi salah satu mercu tanda Kuala Krai dikeringkan untuk kerja-kerja baik pulih dan menggantikan restoran terapung.

Kawasan yang dikunjungi orang ramai pada waktu pagi dan petang mula meriah bagai pesta apabila dikunjungi lebih 300 penduduk se-

tempat.

Kaki pancing yang melihat air tasik hampir kering mengambil peluang ke Tasik Kuala Krai untuk mencuba nasib mendapatkan ikan.

Mereka menggunakan jala serta sauk ikan untuk menangkap ikan berikutan paras air hampir kering tidak membolehkan mereka menggunakan pancing.

Melihat kaki pancing yang memperoleh ikan, lewat petang jumlah pengunjung bertambah dan suasana makin meriah.

Salah seorang daripada mereka ialah Sabri Mat Salleh, 48, yang turut turun ke Tasek Kuala Krai untuk menjala ikan.

Pengawal Keselamatan Sekolah Kebangsaan Kuala Krai itu berkata, dia tidak melepaskan peluang untuk ke tasik tersebut setelah melihat paras air makin surut.

Katanya, dia teruja melihat air di Tasik Kuala Krai hampir kering memandangkan kerja-kerja me-

info

Air Tasik Kuala Krai dikeringkan bagi memberi laluan kerja baik pulih ganti restoran terapung

nangkap ikan makin mudah.

Tambahnya jangkannya tepat apabila hanya beberapa minit masuk ke tasik tersebut dia berjaya menangkap seekor ikan.

"Saya menggunakan jala untuk menangkap ikan, syukur Alhamdulillah saya berjaya menjala ikan toman seberat enam kilogram." katanya.

Sementara itu, Setiausaha Majlis Daerah Kuala Krai, Mohd Suhairy Samsudin berkata, setelah air dari Tasik Kuala Krai kering, Restoran Terapung akan diganti dan dibaik pulih.

"Tasik Kuala Krai masih wujud, kita akan buat Dataran Terbuka," katanya.



Sabri (kiri) bersama Adun Guchil, Hilmi Abdullah yang turut teruja melihat ikan ditangkap di Tasik Kuala Krai.